

EFTIRLITSSKÝRSLA

Vinnslustöðin hf. Vestmannaeyjar



Dags eftirlits	9.3.2016	Fulltrúi UST	Halla Einarsdóttir
Fyrirtæki	Vinnslustöðin hf.	Fulltrúi UST	Gottskálf Friðgeirsson
Heimili	Hafnargötu 2	Tegund eftirlits	Reglubundið
Kennitala	700269-3299	Flokkur	Fiskimjölverksmiðja
Fulltrúi fyrirtækis	Unnar Hólm Ólafsson	ÍSAT nr.	15.20.7 Mjöl og lýsisv.
Fulltrúi fyrirtækis	Sigurður Friðbjörnsson	Staðsetning	436194,528 327119,082

NIÐURSTAÐA EFTIRLITS

Þrjú ný frávík voru staðfest í eftirlitinu er varða ryk í útblæstri og útblásturshraða ásamt vöntun á upplýsingum um þjónustu ollúskilju frá verksmiðjunni. Unnið er að úrbótum tveggja útistandandi frávika úr eftirliti 2013 og 2014 og stefnt að þeim ljúki nú á vormánuðum. Þá var gerð athugasemd við að heildarúttekt í frárennsli verður ekki lokið 1.maí 2016 líkt og ákvæði starfsleyfis kveður á um en stefnt er að því að henni ljúki á árinu og niðurstöður liggja fyrir í maí 2017.

Í eftirlitinu var óskað eftir lagnateikningum fyrir olíu og lýsislagnir og frárennsli á lóð fyrirtækisins.

UMFANG EFTIRLITS

Byrjað var á eftirlitsfundi og svo farið í skoðunarferð um verksmiðjuna og verksmiðjulóðina. Vinnsla á loðnu stóð yfir á meðan eftirlitið fór fram.

Í eftirlitinu kom fram að Unnar Hólm Ólafsson verður framvegis tengiliður Vinnslustöðvarinnar við Umhverfisstofnun og tekur við af Sigurði Friðbjörnssyni.

Byrjað var á að fara yfir síðustu eftirlitsskýrslu. Framkvæmdir við byggingu nýs uppsjávarhúss eru hafnar og áætlanir gera ráð fyrir að bygging á nýju mjölshúsi hefjist í sumar. Nýja mjölshúsið mun tengjast öðrum byggingum svo flutningur mjölsins frá þökkun í geymslu kemur til með að vera innandyra. Stefnt að því að byggingaframkvæmdum verði lokið fyrir næstu loðnuvertíð, þ.e. í ársbyrjun 2017. Nú er mjölið keyrt með lyftara í stórsekkjum í geymsluhúsnæði að Hlíðarbraut 2 og 5 sem er í eigu Vinnslustöðvarinnar.

Þá var rætt um úrbætur útistandandi frávika.

Unnið er að úrbótum vegna frávíks er varðar frágang á lekavarnarþró. Þegar eftirlitið fór fram var byrjað að undirbúa steypun í lekavarnarþrónni en beðið eftir hagstæðu veðurfari til steypuframkvæmda. Þeim er nú lokið skv. tölvupósti frá rekstraraðila 22. mars sl.

Úrbótum vegna frávíks í frárennsli er lokið en ný hreinsistöð fyrir frárennsli var tekin í notkun í núverandi vertíð. Hreinsistöðin samanstendur af tvöföldum síubúnaði og fleyti/botnsökkvunarkörum (redox skilju). Virkni búnaðarins hefur þó ekki verið staðfest með mælingum en verið var að safna sýnum sama dag og eftirlitið fór fram.

Í verksmiðjunni eru tveir rafskautakatlar en einungis annar þeirra er að hluta til í notkun þar sem að ekki fæst nægjanlegt rafmagn til keyrslunnar svo að verksmiðjan er að miklu leiti keyrð á (380) svartolíu. Í verksmiðjunni eru þrjú olúkatlar en losunarleyfi rekstraraðila (CO₂) heimilar notkun einungis tveggja þeirra.

Frárennsli fer út um eina útrás sem sameinast bæjarveitunum, út fyrir Eiði. Óskað var eftir lagnateikningum fyrir frárennsli í eftirlitinu.

Þá var rætt um aðrar eftirlitsmælingar sem kveðið er á um í grein 3.2 í starfsleyfi. TVN skráningar hafa verið sendar eftirlitsaðila í lok vertíðar og eru innan starfsleyfismarkna.

Mælingar á ryki í útblæstri og útblásturshraða var send eftirlitsaðila 4. janúar 2016.

Hávaðamælingar bárust eftirlitsaðila 29. september 2015. Hávaði mælist undir viðmiðunarmörkum reglugerðar 724/2004 um hávaða.

Hreinlætisáætlun er vottuð af FEMAS og haldið utanum skráningar í gæðahandbók.

Á lóðinni er 50 m³ neyslugeymir sem er í eigu N1 og sjá þeir um að þjónusta hann. Óskað eftir lagnateikningum fyrir olíu og lýsis lagnir. Æskilegt er að koma á skráningum fyrir sjónskoðun þeirra lagna sem ekki eru neðanjarðar. Í eftirlitinu kom fram að það stæði til að skipta um lagnir á lóðinni. Á lóðinni er einnig dagtankur (<20 m³) með svartolíu, og minni neyslugeymar fyrir litaða díeslolíu og úrgangsolíu sem eru á steypu plani með frárennsli sem tengist ollúskilju.

Umhverfismarkmið hafa verið sett í fyrirtækinu en unnið er að innleiðingu þeirra í daglegan rekstur. Umhverfismarkmiðin voru gefin formlega út í grænu bókhaldi verksmiðjunnar frá maí sl.

Ein kvörtun barst Umhverfisstofnun vegna lyktarmengunar frá síðasta eftirliti. Kvörtunin barst 17. maí sl. en þá stóð vinnsla á kolmunna yfir. Vinnsla lauk daginn eftir að kvörtunin barst og TVN gildi hráefnis voru innan starfsleyfismarka. Rætt var um gæði hráefna og möguleika til að halda TVN í lágmarki. Kælibúnaður er í skipum Vinnslustöðvarinnar og ávallt sett rotvarnarefni um borð. Í sumum tilvikum er bætt við rotvarnarefni við löndun en það fer eftir hráefnastöðu í hráfnisgeymslum, vinnslutíma ofl.

Í skoðunarferðinni var farið yfir verksmiðjuna, framleiðslu mjóls, lýsis og hrognavinnslu. Snyrtilegt var um að lítast í verksmiðjunni og framkvæmdir við niðurrif eldra mjólhúss og undirbúningur fyrir nýja byggingu í fullum gangi. Að lokum var lítið á útfall frárennslis við Eiði.

Frávik frá	Lýsing á fráviki
Grein 2.9 í starfsleyfi	Ryk í útblæstri frá olíukatli 1 mælist 172 mg/Nm ³ og ryk frá olíukatli 3 mælist 110 mg/Nm ³ (m.v. 3% O ₂) en starfsleyfismörkin eru 100 mg/Nm ³
Grein 2.13 í starfsleyfi	Útblásturshraði mælist undir starfsleyfismörkum, þ.e. 13,3 m/s (skorsteinn 1) og 6,9 m/s (skorsteinn 3) en samkvæmt starfsleyfi skal hann vera amk 20 m/s
Grein 3.1 í starfsleyfi	Lagnir frá plani með ollútönkum tengist fráveitu Vestmannaeyjabæjar. Samkvæmt upplýsingum frá rekstraraðila tengist frárennslid olíuskilju en ekki liggur fyrir hvernig eftirliti með olíuskiljunni er háttað eða hvenær hún var síðast þjónustuð.

ATHUGASEMDIR

Samkvæmt grein 5.2 í starfsleyfi skal rekstraraðili gera heildarúttekt á frárennslis frá verksmiðjunni fyrir 1. maí 2016. Þar sem að nýr hreinsibúnaður hefur verið tekinn í gagnid er úttektin á byrjunarstigi og óskaði rekstraraðili eftir frest til maí 2017 til að skila niðurstöðum úttektarinnar.

Við skoðun á útfalli við Eiði sást svolítill fituslikja á sjónum en báðar fiskimjólsverksmiðjurnar í Vestmannaeyjum voru í gangi þegar eftirlitið fór fram á og því töluvert álag í fráveitu. Útfallið er safnútfall frá bæjarveitunni svo ekki er víst að fituslikjan sé vegna starfsemi Vinnslustöðvarinnar. Eins og segir í skýrslunni voru sýni tekin úr frárennslis Vinnslustöðvarinnar sama dag og eftirlitið fór fram.

ANNAÐ

Nýtt skráningarblað fyrir hráefni (TVN ofl) var sent rekstraraðila í tölvupósti 8. mars sl. og óskað eftir að það verði notað framvegis.

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Athugasemd: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.

Reykjavík, 20.04.2016


Halla Einarsdóttir